

莆靖小紀

清陳鴻撰

熙朝莆靖小紀

莆田陳鴻記邦賢纂

甲子康熙二十三年

正月蘇太守禁元宵粧扮故事，穀價每石貳錢，番薯每百斤五分，甘蔗每十枝一分四厘，甘糖每百斤五錢，百貨俱賤，惟紫魚布帛尚貴。三月廿三日，新任知縣莫家禎_{錢塘人}，二麥登場，小麥每石二錢五分，大麥每石一錢三分，無人肯買。去冬十月，黃石人家，鬻猪生子，背上有張安二字，初安為右營兵丁，復事黃石光棍李金龍，為惡。及李累事，安走投海上。康熙十九年，安積勞至千總，防守黃石並界外地方，性兇暴嗜殺，每出界外巡哨，只帶刀，逢人必殺，朋舊假不相識，哀求告饒，或脫一二，如以親朋之情告之，百無一免。截界十餘年，殺人以千計，夜半被伴兵用鐵鏈打死，其人係江西

人氏父兄被安所殺，擄他為奴。至是復仇，書數字於壁，言安係他殺之，變猪不畜而長。至四月，屠戶無人敢殺，有一人與安為仇，買去殺之。去冬差三人查勘界外田地，造冊開徵，從江西入廣東。四月廿三日，到莆，兼程赴省。六月，早稻大熟，每石價二錢，奉文着各府縣遍畫山水地圖上閱。八月，奉文百姓不許用宋錢，及明朝廢錢，只用本朝制錢。民間仍如常而用。十月，冬稻谷價仍二錢。京差禮部主事賈御賜袍帶等物，致祭我湄州天妃及平海龍神井神。因施提督征臺，舡泊平海，三軍取汲一井，隨吸隨湧，眾賴以濟。施公題曰師泉，作文立牌以紀。設閩海鈔關，許百姓造船浮海而貿易焉。

乙丑康熙二十四年

正月元宵，仍遵蘇太守禁令。去冬至，今去俱無雨。谷每石五錢，四

月各官又請李雲龍設壇祈雨十九日大雨春田方佈谷價減一錢五月北門外競波龍舟皆到吳公廟獻紙申時大雨震雷各船俱回拱辰鋪一船後回至潭頭橋雷從船尾而西擊死舵工莊聖彬及旁兩人莫知縣出示要請官地起蓋店舍房室者從新給帖納稅每帖索銀三錢早稻大熟價尚三錢總鎮吳英調鎮舟山新任總兵王萬祥陝西人冬稻亦大熟每石二錢五分歲暮百貨俱賤惟魚極貴因文獻橫征魚稅魚舡俱進泉州港不入涵江

丙寅康熙二十五年

元宵仍冷淡新任海防廳楊榮

蔭生父任吏部左堂

秉性貪殘健步異于奇

甚陰賊臭味相投官惟利是圖于奇導之為惡無孔不鑽溪溝大

小舡隻勒令編號烙印盡納河泊之稅多方需索濱海老少用縮

網手取細蝦令槩納稅一有漏報既受刑復破費于奇威勢大于

官府官曰是于奇曰非則真非官曰不可于奇曰可則皆可怙寵橫行目無紳士孝廉陳廣為其友向于奇說情于奇不諾廣怒曰不過打二十板而已于奇曰只十九板半如何次早庭訊去四板鐵打至十九板一板已下官曰住了果符十九板半之言時興同知除人命戶婚外得以總理于奇借官之酷濟己之貪防廳日理事件于奇在旁伺候事已與于奇講明官尚未知于奇稍向前露面官會意即為省釋若未講明于奇不露面難免枷責賄賂公行官得其一于奇得二以此暴富買大廈買腴田無物不備有求必遂送來胥役得寵弄權但肆虐一時未若于奇獨昭害萬世四月二麥大收大麥每石一錢六分小麥二錢四分六月早大收每石二錢二分九月撫院金鑑調浙江新任撫院張仲舉原任泉州府陞興泉道十月冬稻十分大熟每石價二錢十一月十一日龍風大作破溺

商舡百餘隻，淹死水手數百人。西門外太平山，用竹木杉皮結成
佛殿房舍莊嚴，禮十佛懺七日七夜，超拔丁巳年正月所殺鄭兵
數千人。又南洋白垵，用溪舡十五隻結排，上用板鋪，用竹木舡蓬
造大殿，亦十分粧飾。建七日，宵蘭盆，俱初十日起。是日盡被大風
鼓壞，詔免湖廣福建二十五年未完錢糧。又二十六年分下半限
二十七年上半限地丁錢糧俱免。歲暮百貨俱賤，上好白谷每石
一錢六分。

丁卯康熙廿六年

二月常雨，至五月初五日霽，月餘無雨。至六月十七日午未二時，
又大雨驟降，北風大作，中候乃止。夜半回南，風更狂暴，壞屋拔木，
早稻未收者俱損失矣。天明風雨方息，大水三日方退。谷每石二
錢，同安縣地方山寇海賊亦沒，奸細潛入莆仙，用銀並剗付招納。

浪子並黜兵為內應共圖不執各府縣不知數萬餘人王總鎮偵知緝獲陳進忠等頭目十餘人又仙邑武庠鄭霍並匪類二十餘人八月十九日同署府朱審實立斃杖下未死者用繩繫頸倒拖出四城門示眾中道盡死仙邑各犯發回打死胥役勸朱公拘親族甲隣責其失覺察之罪朱公曰作此事者妻兒尚不知之況他人乎遂不行其言九月蘇太守陞河東鹽道初七日起程

戊辰康熙二十七年

新任知府危際泰正月十二日到任同總鎮王大放元宵許軍民作樂明季選人間淑女詔止鳳陽自我朝選典曾未及於江南何風聞所遇輒布謠言三吳有女之家心中如刺市井亡賴之徒鼓動舌鋒繞聞城市忽徹鄉隅杭州為甚吾前亦然原其始也康熙丁卯年十一月邸報言如漢軍文武官員有女不許配人如已配

不許嫁人，並無言及人間女子。本年春，廣東馬候女子，皇上納為妃，要擇好女十六人隨嫁。移文兩廣總督吳興祚查取，因漳泉近廣，故有此謠。六月初八日起，一二饒夫浪子，大肆謠言，或云朝庭要選淑女充掖廷，又云西擲進貢，要回好女千餘，賜之一時之間，四處皇皇。又謠曰：某大人並內監已到福州矣。令府縣密查某家已報名在府縣矣。又某家有差官來點驗矣。有女之家如負重担，多男之室居然奇貨。已擬配者催促討親，未擬配者急托媒說合，共擇十四十八二日合卺，不顧門風休詢年紀，送往迎來，日夜如織。至十八日乃至，夫一言之訛，令人間忽聞一夫婦世界，鴛鴦繫足，不知費仙人幾許赤繩也。九月谷價每石三錢，驟責賣五錢，因漏港故也。王總督令家丁並承差密訪，到莆田縣封條櫃鎖，拿經承銀匠解省，因分頭太重，不遵部頒法律，后竟漏網。湖岸剝蘭妹

賣魚生理欠人宋錢五十文屢處訖無

值銀七錢零

遂同赴城隍廟質

神總出廟門蘭妹即變顛狂妻兒將伊鎖禁空房蓬頭裸體不避

穢物如此二年乃死十一月十六日出示布司具詳閩省尼姑無

如福州最多年少無知一入其門遂成終身老朽永無人道之日

良可悲矣請將三十歲以下者令父母親戚領回擬配不許主持

尼僧指執亦不許地棍借端生事如無領者示各府縣照年紀擬

配歲暮百貨俱賤

己巳康熙二十八年

明朝迎春粧粉故事百餘架點綴春光俱是里長答應用桌一隻

後造一屏二人扛抬飾小兒為男女坐桌上無甚好衣者鼎革後

春祭借各班戲子粧粉新造高大木架用四人扛抬倩好兒童三四

人飾新鮮衣服演鬧熱故事更相爭賽一春無雨谷穀每石五錢

六分故平陽鎮總兵朱家發谷一千石出糶價定四錢五分民困少紓危太守被王總督劾降級四月忤延平防廳佟國光署府印不甚理事萬民樂業五月早稻大熟價不減六七月俱旱七月廿七日祈雨八月中旬始雨停戶部抽魚稅沿海漁民沾惠新任分守道王示禁白取行戶由云民猶子也既有親民之責當推父子之情天下無欲死其子之父母也乃居民上者顧不念小民之生死日以腹膏吸髓為事尚得謂之父母乎王道訪拿縣蠹工胥葉鰲原充下役異狀奸貪積金甚富解道監責仍發本縣枷責張撫院復行按察司再拿到司重責禁府頭監其母苦死家產盡破方得無事八月復亢旱祈雨禁止屠沽一屠戶私宰府差搜出杜票佟公佟公問屠戶肉在何處賣曰深藏私室買者紙包密懷而去佟公將差重責曰密買密賣雖犯法尚畏法汝非奉差何故

生事詆騙不遂故行具稟耳十月初一日新府張濬到任湖廣漢陽縣民鄧漢貞妻黃氏毆辱母親禮部一本為人倫大變不孝不義事奉旨朕以孝治天下漢貞夫婦敢於毆辱母親無罪可問將漢貞夫婦發本處知縣剥皮示衆族長不能教訓子孫問絞罪黃氏父母不教女子問絞罪鄉老不以仁義教化問充軍三年左右鄰聞聲不肯杖一百流三千里將漢貞房折掘地三尺永不許兵民起蓋府縣有誥命者追可誥命無誥命者罰俸三年縣官革職漢貞母許氏看奉外知縣每月給米一石銀二兩以資奉養仍委直隸各省通知該部知道

庚午康熙二十九年

三月初三日出示給放老人脯帛八十歲者領紋銀廣戰一兩九錢三分九十歲加倍給領之大小麥大熟谷無人買五月莫知縣

丁父憂本府糧廳修世清署印八月張太守丁母憂福州糧廳蔣
璣署府印九月初四日縣官枷責錢鋪當舖示衆米錢每三大扣
銀一分爲用已久自六月末私鑄頗多揀選甚慘買賣爭執官府
以變亂錢法歸罪此輩令一概流通次日一文不許揀新錢破錢
居半盡閉門當舖會約云入用銀又數日用金邊雙圈宋錢揀甚
利害總督與永朝示禁下四府不得仍用前代廢錢須用本朝制
錢十月初金邊宋錢俱不用要用紅官錢三文扣一分此錢崇禎
時泉州私鑄色紅字崇禎通寶此錢甚少廿九日通城會議仍用
宋錢除新破外六十文扣一錢要流通三日又不用一槩用銀十
一月衆議宋錢一百文扣一錢數日又變從此宋錢廢矣十月初
十狂風大作二日夜打耗冬稻過半谷價三錢三分

辛未康熙三十年

元宵冷淡，因錢變貧富皆困，城中多鼠竊，夜禁甚嚴。二月初九日，知縣董衍祚到任，年方二十餘，係前撫院董國興第十一公子。從去年八月至今三月，一概無雨，十四十五兩次小雨，廿三日城鄉再祈雨，是夜微雨一番，連日蚤晨冷清，中午起北風，至晚乃息。俗云：春南夏北，無水磨墨。遍處粘字云：囊山寺于去歲十月再建后殿，並鐘樓，鏤標次日，即起大風，吹損冬揣，失收鐘能招風，風水攸關，致日日北風。定四月初五日，通縣百姓盡往，毀折后殿並鐘樓，不可坐視。自貽伊戚。初五早，城中南北洋下里等處，萬餘人蜂擁而入，僧越牆而走，搜緝奸僧，見臭肉、美酒、女衣、脂粉、軍器、木棍，不計其數。齊折新建鐘樓、佛殿，放火燒燬，以鐘鳴招風，將鐘擊碎。初七日，僧首覺正赴鳳山寺祈雨，壇投文武官，告誦江許南哥、劉庄林明九等八人，各官斥之曰：通郡萬餘人，為風水齊毀尔寺，何故獨拔此八人？

不收其狀。初八日轉東風。初九日回南風。初十日雨一番。十一日
小雨。十三日官民步行祈雨。十四日小雨。十五日新任府陳颺言
到任。即同各官步行再祈。十八日北山大雨。荻蘆溪大水。出江口
九里洋可佈。廿一日仙邑並常泰大雨。時總府朱材官外省人。稱
能求雨。七日內必降。各官令其作法求雨。果于廿五日午時起雨。
半夜滂沱。五更方止。高下田盡可佈。廿九日大雨徹夜。五月十一
日。囊山寺興工。再造佛殿。鑿崩架椽。各僧穿白作法祭禱。次日即
起北風。日甚。一日鄉城云。字定。廿二日到山。再毀。即早僧皆遠避。
萬餘人湧至。折毀燒除。僧覺正胞姪構大厦在附近居住。眾人毆
其侄。燬其屋。此後少有北風。福清縣無坐米極多。民多慘累。撫院
卞永譽前興化府知府上疏請大量田地開豁。恐各府皆然。行文請大我
前輩知縣年少好閒。不甚理事。每云大量妄責能幹地熟弓笨手。

鄉老百姓受苦願照舊賠納免犬不聽早稻丰收佈田時缺已過
膝且多出穗不一月即熟奉大福建八府再造大船七十六號每
號費銀十餘兩鄉民苦累僧覺正曉慈等往福州鼓山寺哀投主
持代伊赴總督說情與永朝行府拘訊僧告曹榮姚君岳雍眉陳
公衮為首燬寺六月初九日陳太爺夾訊曹榮姚君岳振扯劉開
林明九等十一人巡司拘解五人共二十人十一日涵江黃石罷
市三日十五日城外老老少十餘人懇放一千無辜之人十七日審
劉開林明九各責廿二枷號一月僧指林明九草九人各責廿八
俱放巡司所拘五人省釋曹榮四人候詳奸僧並無對質劉林二
人枷在鼓樓下鄉城同具呈懇放七月初泉州府高太爺奉委未
前察大恐有作樂果經承將弓造短二寸陳太爺責經承四人各
四十仍解泉聽候已丈之田十弓只作九弓筆王總鎮請高公飲

酒談囊山寺事與劉林二人無干高公往省經涵江百姓跪道哀
投高公至江口修書繼陳太爺說此事十六日太爺將赴省各再
責十六釋彼兩人八月覺正赴興泉道告劉開一千共十八人拘
到劉開責三十餘者責二十放回九月覺正赴按察司再告准拘
十月覺正赴總督催呈批按察司審結陳太爺上省回審向按司
言諸僧不守五戒茹葷酤酒致于惹怒佛殿鐘樓屢折屢蓋寶閣
通郡風水不可徇情按司詳文諸人已經道府發落鐘樓佛殿既
經屢折不許再蓋總督批着府縣揀勘詳奪紅官錢崇禎又不用
興泉漳只用萬曆金錢每三文扣一分此錢甚少兼用官板康熙
錢每八文當一分扣

士申康熙三十一年

正月陳太守丁母憂泉州府同知范弘遇署印二月范府董縣疎

勘囊山、詳文囊山寺鐘樓、有仿風水、應行禁革、其大法殿尚有風水之謠、被鄰縣蕩折無遺、不必令其重建、所供龍牌法殿已屬荆榛、亦難輕議興復、只存迴廊精舍四五十間、半為焦土、宜令僧人起蓋、棲止焚修、不許懷仇挾忿生事、以放火故燒房屋為詞、使僧民兩便、總督批、依議、如詳、繳、三月廿五日、出示通知、永成鉄案矣、四月、雨暘時若、二麥白苧早稻俱大收、奉文西洋番天主教有人來中國、能造曆日、造軍器、隨征阿羅素、有功、非比邪教為惡之人、着通天下天主堂、仍舊存留、不許毀壞、以便靜養、六月、提學徐儒芳考較先、云位號覆試、復蒙榜填名、時考文章十名、並無銀買、御紳彭鵬、號五山、庚子科舉人、仕三河、知縣、欽取候補科員、出誓詞、粘通衢、云、庠序為發軔之始、寒儒望一泮、若登天、多一虛緣之徒、即少一攻苦之士、誓不敢干預、若違此誓、在家不得考終、在外不得生